

# Atuartut angusaannik nalilersuineq



Portfolio  
atorlugu nalilersuineq



Atuartut  
angusaannik nalilersuineq



Atuartup imminut  
nalilersornera/naliliiffiginera



Atuartoq  
qitiutillugu ataatsimeeriaatsit



Una najoqqutassiaq saqqummersitanut  
sisamaasunut ilaavoq:


- Portfolio atorlugu nalilersuineq
- Atuartut angusaannik nalilersuineq
- Atuartup imminut nalilersornera/naliliiffiginera
- Atuartoq qitiutillugu ataatsimeeriaatsit

**Atuartut angusaannik nalilersuineq**

Saqqummersitsisoq: Inerisaavik/Pilersuiffik, 2005  
Naliliisarnermut immikkoortortaqarfimmit  
Kalaallit Nunaanni atuarfimmuq naleqqussarlugu  
suliarineqartoq, Ministry of Education, British Columbiavit  
saqqummersinneqartut najoqqutatalugit.  
Ilioqqarnera: Inerisaavik/Pilersuiffik  
Naqiterisoq: Inerisaavik/Pilersuiffik  
Saqaani assiliisoq: LIL-Foto  
Amerlassusai: 2000  
Inniminn. nr.: 6127 - 02

ISBN 87-585-1112-1

# Atuartut angusaannik nalilersuineq




Performance Assessment-imit nutsigaq (Assessment handbooks series)  
Curriculum Development Branch, Ministry of Education, Victoria, British  
Columbia. 1994.

## IMARISAI

Tunngavilersuutit . . . . .	6
„Atuartut angusaannik nalilersuineq“ sunaana? . . . . .	7
Sooq atuartut angusaat nalilersorneqartassappat? . . . . .	8
„Atuartut angusaannik nalilersuinissamut“ piareersarit . . . . .	10
„Atuartut angusaannik nalilersuillutit“ aallartigit . . . . .	12
Qanoq isikkulerneqarsinnaappat? . . . . .	16
Isumaliutigisassat . . . . .	26
Oqaatsit atorneqartut allassimaffiat . . . . .	27
Angusakka . . . . .	28

# Tunngavilersuutit



Atuarfitsialak atuartut suliaannik angusaannillu nalilersuisarnerit naliliisarnerillu pillugit periutsit allanngortinneqarnissaannik piumasaqaatitaqarpoq. Taamaattumik Canadami atuartut angusaannik nalilersuisarnerit pillugit najoqqutassiat ukua, tuluttuumit suliareqqillugit nutserneqarput, taamaalillutik aalajangiiviusumik naliliinermi (soorlu karakteriliinermi) ulluinnarnilu sulianik nalilersuineri periutsinik allanngortitseqataallutillu ineriartortitsinermut ilapertuutaasinnaaniassammata.


Najoqqutassiat tullerriaat makkuupput:

1. Atuartup imminut nalilersornera/naliliiffiginera
2. Atuartoq qitiutillugu ataatsimeeriaatsit
3. Atuartut angusaannik nalilersuineq
4. Portfolio atorlugu nalilersuineq

Najoqqutassiat paasiuminartuunissaat pillugu tamarmik immikkut nalilersuineri periutsinik aalajangersimasunik sammisaqarput, kisianni soorunami periuseq ataaseq kisiat immikkoortillugu atorneqarsinnaangilaq. Assersuutigalugu atuartup imminut nalilersornera/naliliiffiginera tassaa-voq, portfolio najoqqutatut atorlugu nalilersueriaatsip ilaa pingaaruteqar- toq, taakkulu ataatsimut tamarmik atuartoq pillugu ataatsimiinnerup atuar- tumillu ataatsimeeqateqarnerup iluatsittumik pitsaasumillu ingerlanissaa- nut iluaqutaasinnaapput.

Najoqqutassiat tamarmik inerniliinerit nassuiaataannik tunuliaqutaannillu, isumaliutissanik, aallarnisarnermilu isumassarsiorfiusinnaasunik assersuut- tinillu assigiinngitsunik imaqartinneqarput. Najoqqutassiani tamani nali- lersueriaatsit assigiinngitsut imminnut attuumassuteqarneri ersarissaavigi- niarlugit innersuussutitaqartinneqarput.

# „Atuartut angusaannik nalilersuineq“ sunaana?




Atuartut angusaannik nalilersuinerit tassaapput, atuartut piginnaassuseqarfigalugit takutitaat aallaavigalugit, atuartut ilikkagaat pillugit ilisimasanik katersinikkut aaqqissuussaasumik suliaqarneq. Tamanna nalilersuineruvoq, sulinerup ingerlarnyata inernerinik nalunaarsuinerullunilu sulinermi peritsinik assigiinngitsunik nassataqartortaaq: Ilinniartitsisup nalilersuineranit atuartup imminut nalilersorneranut.

Atuartut angusaannik nalilersuinerit tassaasinnaapput atuartut sulinerini si-umut pilersaaruseriigaanngitsumik paasisassarsiorluni atuartunik misissu-ataarinerit, imaluunniit siumut pilersaaruseriikkamik, teknikkikkullu assi-giinngitsunik atortulersorluni (assilivimmik, immiussissummik allamillu-unniit atortoqarluni) isiginiagassaasinnaasunik assigiinngitsunik, soorlu pissusilersornernut imaluunniit sulerusussuseqarnermut tunngasuusinnaa-sunik ersersitsiniaanernut paasisassarsiornerit.

Atuartut angusaannik nalilersuineq tassaavoq, atuartitsinermi sakkussaq pitsaasoq, pissutigalugu:

- nalilersuisarnek atuartitsinerlu tapertariittut kattutissapput
- sammisaqarnerup ingerlanerani piffissami sukkulluunniit ingerlanneqar-sinnaavoq
- atuartup ilinniartitsisullu suleqatigiilernerannik kinguneqassaaq
- atuartut nalilersuinerit naliliinernullu peqataasalissapput
- suliat ingerlanneqarneri inernerilu nalilersorneqartalissapput

# Sooq atuartut angusaat nalilersorneqartassappat?



*„Atuartut angusaannik nalilersuineruleriartornera ilutigalugu, suliap ingerlarngata immikkuualuttortaanni tamani atuartut peqataaneruleriartorput“*

*„I sumaqarpunga atuartuutikka ilisarismalluarnerulersimallugit, tassaami nalunaarsuisinnaallungalu suliat immikkoortui assigiinngitsut pillugit atuartuutikka oqaloqatigisinnaalersimavakka“*

**Canadami  
I linniaartitsisut**



Angajoqqaat atuartullu ataatsimiinneranni siul-lermi ilinniaartitsisup „atuartut angusaannik nalilersuineq“ oqaluuserisas-sanngortippaa. Taanna atuartitsinermi qanoq atorneqarsinnaanersoq, angajoqqaanut atuartu-nullu oqallisigeqqunekarpoq, assersuutitullu atuartut namminneq nalilersukkamik ilaat angajoqqaanut takutippaat.

Atuartut angusaannik nalilersuisarnerup pitsaaqutaasa ilagaat, nalilersuiner-  
nermi periutsit assigiinngitsorpassuit atorneqarsinnaanerat. Misissuataarinerit pilersaaruseriorriigaanngitsut, nalunaarsukkanik allattui-  
neq, videoliorluni immiussillunilu, oqaloqatigiinnerit ataatsimiinnerillu ta-  
makku tamarmik atuartup ilikkagai pillugit pisariaqartunik paasissutissii-  
sinnaapput. Pitsaaqut alla tassaavoq, nalilersuinerup nalaani atuartup ilin-  
niartitsisullu akunnerminni suleqatigiinnissaq siuarsarlugulu ajornarunnaa-  
sikkamiuk, tamatumunngalu peqatigitillugu atuartitsinerup ingerlanerani  
pisunut assigiinngitsorpassuusinnaasunut qisuariarnissamat periarfissiillu-  
nilu kaammattuisuunera.

## **Atuartut angusaannik nalilersuineq ilinniaartitsisumut tassaavoq:**

- atuartitsiner-  
mik nalilersuiner-  
millu sunnuteqar-  
luartumik ataatsi-  
mut kati-  
gussisoq
- periuseq, nalilersu-  
eriaatsinik assigi-  
inngitsorpassuarnik  
imaqartoq
- atuartut ilikkakka-  
minnik takutitsinia-  
leraangamik periut-  
sinik sunik atui-  
sarnerannik alaper-  
naarsuinissamat  
periarfissiisoq
- atuartut ataasiakka-  
at tamaasa 'assiliss-  
amik tamakkiisumik'  
pissarsivi-  
gissallugit periarfissi-  
isoq
- atuartitsissutigisassa-  
nik siumut isigaluni  
pilersaaruseriorri-  
innaanissamat  
tunngavissiisoq
- nalunaarsuier-  
nerit karakteriliiner-  
illu suliarinerini  
ilisimasassanik  
pingitsuugassa-  
anngitsunik tunni-  
ussisoq

**Atuartut angusaannik nalilersuisarnerup atuartut periarfissanik makkunannga tunivai:**

- namminneq ilinniarnermikk tamatumangalu nalilersuinerim namminneq peqataanissaat
- suut nukittuffiginerlugit suullu ineriartortissinnaanerlugit namminneerlutik ilisimaarilissavaat
- sulianik inernerinillu nalilersuinerit aqutigalugit nammineq ilikkakkatik annertusarsinnaalissavaat
- sammisanut piviusunut ataqatigiissillugit ilisimasanik, piginnaasanik sulerusussuseqarnermillu takutitsineq
- piginnaasaminnik, inuunerminni allanut atornissaannut sungiusarneq
- sulinerim atorsinnaasanik nalilersuinerim sungiusarnerit
- kukkusinnaaneq uniffigiinnarnagu, isornartorsiulluni eqqarsarsinnaanermik nutaaliorsinnaallunilu ajornartorsiutinik aaqiiniarsinnaanermik ilikkagaqarneq

**Atuartut angusaannik nalilersuinerup angajoqqaat makkunannga pissarsisippai:**

- tunngavissat ersarissut aallaavigalugit atuartut angusaat pillugit toqqaannartumik paasissutissinneqarneq
- periutsit assigiinnigitsut malillugit, atuartut angusaasa inernerinik nalilersuinerit ersarissut
- atuartut siuariartorneri pillugit ingerlaavartumik paasissutissinneqarneq

*„Suliasissutinik tamatta suliaqaleraangatta, ilinniartitsisutta ikiussaluta piffissaqarfiginerulerpaatigut“*

*„Suliasissutit qanoq ituunissaat qanorlu taakua suliarissanerikka pillugit oqartussaaqataanerulerpunga“*


**Canadami atuartoq**

*„Ernerma atuarfimmi sunik suliaqarsimanertik pillugu, angerlarsimafitsinni oqaluttuarnersalerpoq“*

*„Nutaamik isumassarsisinnegarsimariarlutik, meeqqama suliasatik pitsaanagerusumik suliarisalerpaat“*

**Canadami  
Angajoqqaat**

# „Atuartut angusaannik nalilersuinissamut“ piareersarit



## Inimi atuartitsiviusumi periutsit

Atuartut angusaannik nalilersuisarneq ilinniartitsinerup ilaatut ilaalissappat pisariaqarpoq, ilinniartitsisup klassimi periutsit siuarsaataasinnaasut makku pilersissimassagai:

- atuartut qinigassanik toqqaasinnaanerat/namminneq aalajangiisinnaanerat (imminut aqunneq)
- ilikkagassanik assigiinngitsorpassuarnik periuseqarluni saqqummiussisarnissaq
- atuartut ataasiakkaarlutik namminneq suleqatigiillutillu sulisinnaanis-saat
- isumassarsianik immersoqatigiissinnaaneq
- kukkunissaq qunuginagu sulisinnaaneq



Canadami ilinniartitsisoq, atuartut angusaannik nalilersuisalerusuttoq, inip atuartitsiviusup iluani periutsitik pillugit atuartuutini suleqatigilerpai. Peqatigiillutik „Klassimi najoqqutassat“ arlalinniguit ilusilersorpaat, aammattaaq oqaaseqatigiinnik ukuninga imaqartunik; suliassat suliniutissallu pillugit atuartut tamarmik oqaassisaqataassasut, isummersuutigineqartullu tamarmik assigiimmik naleqartut.

Taamaaliornikkut atuartut sunniuteqaqataanerat ersarinnerulersinneqarpoq.

Taamatut periuseqarfiusumi atuartut angusaannik nalilersuisinnaaneq periarfissaqartuaannarpoq. Aallaqqaammut ilinniartitsisoq aaqqissuussisusariaqassaaq, kisiannili atuartut ilinniartitsisullu atuartut angusaannik nalilersuilluni suliaqarnermik sungiussiartornerat ilutigalugu, atuartut namminneq aalajangiisinnaanerat qinigassanillu toqqartuisinnaanerat pilersaarusiornermut ilanngukkiartuaartinneqarsinnaapput.

## Atuartut inuttut namminneq imminnut nalilersornerat

Imminut nalilersorneq ingerlaavartuuvoq, tassani atuartup nammineq angusani, suliani, inikkani, sulerusussuseqarnini ilikkagaqarusussuseqarninilu pillugit, nammineq imminut eqqarsaatersorfigisinnaanissani ilinnigassaralugu. Tamanna atuartut angusaannik nalilersuilluni sulinermi pisariaqarluinnarpoq, pissutigalugu atuartut namminneq suliaminnik namminerlu sulinermi ileqquminnik paasiniaaqqissaarsinnaasariaqassammata ilinniarnerullu ingerlaqqinnerani pingaarnersiuisinnaanissartik nutaanillu anguniagassiornissartik tunngavilersorlugu aaliangersaavigisinnaassappasuk. Atuartut suliassiissutinik suliaqarnermik nalaani, imminut nalilersortarnissartik atorfissaqartippaat, 'illerngit eqqortut' atorerlugit anguniakatillu angusimanerlugit nammineerlutik paasisinnaassagunikku.

## Anguniagassaliorneq

Suliassap ilaa pisariaqartoq alla tassaavoq anguniagassiorneq. Atuartut piginnaasaminnik pitsanngorsarusullutik kissaatitik pillugit, isummanik

nutaanik teknikkinillu nutaanik misileraarusunnermik kissaatitik pillugit imaluunniit suliaminnik ineriikkaminnik takussutissiorsinnaanermik iluaqutissarsiorsinnaanerit pillugit anguniagassiorsinnaapput. Klassimi atuartunut ataasiakkaanut tamanut anguniakkat assigiinngitsuusinnaapput. Anguniagassiat, anguneqarnissaasa tungaannut sulineq kingornatigullu pissarsiat iluatsittullu pillugit isumaliutersornerit, atuartut misigissusaanut ilikkariartortarneranullu pingaaruteqarluinnartuupput.

## Imminut nalilersornermi immersugassiaq

Ateq: \_\_\_\_\_ Ulloq: \_\_\_\_\_

Sammisaq/Suliaq: \_\_\_\_\_

Sammissamik uuminnga suliaqarnikkut ilikkarpakka:

Ajornartorsiorfigaakka:

Angusakka ukuupput:

Taakku suliareqqissagukkit, imaaliussaanga:

Suliap ilaa pissanganarnerpaaq tassaavoq:

Suliap ilaa nuannarinnginnerusara:

Imaaliorusukkaluarpunga:

Sulianni tupaallaatiginerpaasara:



Canadami ilinniartitsisut marluk, atuartitsinermi atuartut angusaannik nalilersuinermit suliaqarusuttut, atuartitaminnut oqaatsit makkua ilisaritikumallugit aaliangersimapput: klassimi periusit, inuttut imminut nalilersorneq kiisalu anguniagassiorneq. Oqaatsit qanoq isumaqartinneri paaseqatigiissutiginisaat pillugit aamma atuartut ilikkagaqarnissaanut qanoq ilapittuutaasinnaanersut pillugit, ataatsimut isummersoqatigiilutillu oqallitsisipput. Ilinniartitsisut assersuutiniq saqqummiipput, atuartullu anguniagassiornermik inuttullu imminut nalilersornermik sungiusartineqarput. Tamatuma kingornatigut atuartut siul-lermeerlutik, atuartut angusaannik nalilersuinermit suliaqarusuttut, atuartut misigissusaanut ilikkariartortarneranullu pingaaruteqarluinnartuupput.

## Anguniagassaliornermi immersugassiaq

Ateq: \_\_\_\_\_ Ulloq: \_\_\_\_\_

Sammissaq/Suliaq: \_\_\_\_\_

Sammisamik matumanga suliaqarnermi inuttut nammineq makkua anguniarusup-  
pakka:

Anguniakkama angunissaat qulakkeerniarlugu, anguniakkannut ataasiakkaanut ta-  
manut tunngatillugit immikkut ittumik iliuserisassakka makkuupput:

Unittoortutut ikiortariaqalersutulluunniit misigiguma, ima iliussaanga:

Anguniakkakka angugukkit, ima iliorlunga nuannaarutigissavakka:

Anguniagassiorneq inuttullu imminut nalilersorneq pillugit paasissutissat annertunerusut pisinnaavatit uani: Atuartup imminut nalilersonera/naliliiffiginera aamma takukkit „Angusakka“.

### „ Atuartut angusaannik nalilersuillutit “ aallartigit

Atuartut angusaannik nalilersuinerup ulluinnarni nalinginnaasumik atuartitsinermut akuulersinniarlugu; siunertamut immikkut naleqqussaariikkat atorlugit sammisat, suliasiissutit suliniutillu ingerlanneqarsinnaapput. Pisariaqarluinnarporlu taakkua:

- imaqarluartuunissaat
- naliliinissamut ersarissunik tunngavissaqarnissaq
- tunngavissanik pilersitsiniarnermi atuartunit peqataaffigineqarnissaat
- suliat ingerlarngat angusallu ilanngullugit nalilersuisarnissaq

## **Atuartut angusaannik nalilersugassanik aaliangersimasumik sammisaqartitsinissami eqqarsaatigisassat**

Ilisimasassat qanoq ittut, piginnaasat qanoq ittut aamma/imaluunniit suliat pillugit isummat qanoq ittut atuartunit takutinneqassapat?

Sammisat taama ittut ilikkagassatut anguniagassanut qanoq tul-luutsigippat?

Angusanik nalilersuinerit najoqqutassat malillugit imaluunniit najoqqutaqarani, aaqqissuussamik imaluunniit aaqqissuussaannngitsumik ingerlanneqassapat?

### **Sammissassat kia piareerlugit suliarissavai?**

- Ilinniartitsisup
- Ilinniartitsisoq atuartullu suleqatigiillutik
- Sammisap ilaatut suliap annertussusissaa saqqummiunneqarnissaalu atuartut suleqataaffigalugulu aaliangeeqataaffigissavaat

### **Sammissaq qanoq ineriartorteqqinneqarsinnaava?**

- Eqqarsaatigiuk, ataasiakkaarluni imaluunniit eqimattakkaarluni sulisoqassanersoq
- Eqqarsaatigiuk, atuartut assigiinnngitsunik periuseqarlutik ilikkariartortarnerat
- Atortussat, atortorissaarutit atorneqartussat inuttassaallu pillugit aaliangersaareerit


Piffissaq atugassaq qanoq isikkoqarpa?

Suliat ingerlarnga aamma/imaluunniit inernerit kikkut nalilersus-savaat naliliiffigissallugillu?

Suliat ingerlasimanera inernerilu qanoq naliliiffigineqassapat?

### **Suliat ingerlasimaneranik inernerinillu paasissutissat atuartit-sinerup sulit naliliiffigeqqinnissanut, nalilerneranut aamma/imaluunniit pilersaarusiorderanur qanoq atorneqarsinnaap-pat?**

- Atuartut namminneq imminnut nalilersorneri ataatsimiinnermi imaluunniit portfoliornerminni atorneqartussat
- Anguniagassiornerit, pilersaarutini iluarsartuusseqqinnermi nu-taanik anguniagassiornerit pillugit eqqarsaatigisassat
- Sammissaqarnermi/sulianut taakkulu malitsigisaannut nalilersui-nermi tunngaviliussat inernerilu nammineq portfolialiamut ilan-gussuunneqartarnissaat



Atuartut pinnagit –  
suliat naqqissukkit



## **Pilersaarusioneq – ilitersuut 2**

Nalilersuinnermut tunngavilersuut

- Siunertamut aaliangiissusanullu piareersaataallunilu erseqqissaa-taassaaq

Angusaq nalilersugassaq

- Imarisaa aamma/imaluunniit suliap ingerlasimanera nalilersui-nermi ersarissumik isiginiarneqassaaq

Pisimasunik sungiusaatissanillu toqqaagit

- Atuartut piginnaasaminnik qanoq takutitsinissaat pilersaarusi-ruk
- Atuartut ilikkarsimasaat angusaasalu inerneru pillugit paasissu-tissat, qanoq katersussanerlugit aaliangerit


Angusanik allanngorartumik nalilersuisinnaanermik pilersaarut

- Kina naliliisuussanersoq aaliangeruk
- Periuseq qanoq ittoq atorneqassanersoq aaliangeruk

Takujuttaaq: Atuartoq qitiutillugu ataatsimeeriaatsit aamma Portfolio ator-lugu nalilersuineq.



# Qanoq isikkulerneqarsinnaappat?



Tulliuttuni sammisat, suliassiissutitut suliniutitullu assersuutigineqartut, British Colombiami ilinniartitsisut ilaasa atuartut angusaannik nalilersuiniarlutik sulinerminni atuartitaminnut sammisitatik qanoq suliarisarsimaneeraat takutinneqarput. Sammisassiarineqarsimasut taakkua ilinniartitsisunut, atuartut angusaannik nalilersuiniarlutik aallartikkusuttunut siunnersuutitut atorneqarsinnaapput. Atuartut periarfissaminnik toqqaasinnaansaat periarfissikkumallugu siunnersuutigineqartullu fagini atuartitsissutigineqartartuni allani atorneqarsinnaanerat siunnersuutigiumallugu innersuusutigiumallugulu assersuutigineqartut „assigiinngiaartuullutillu annertusarlugit inerisaqqinneqarsinnaanerat“ assut pingaartinneqarsimavoq.

## Assersuut

### Takornarianut pilerisaarutitut quppersagaliaq

#### Sammissassaq

Illoqarfik pillugu paasissutissanik ujarlerit takornarianullu quppersagaliortut. Ussassaarusiat sunniiniutitut „sakkugisartagaat“ pillugit ilisimasaqarneq paasissutissanillu ujartuisinnaaneq pillugu piginnaasaqarneq takutinneqassaaq

#### Piareersaasionermut siunnersuutit (ilinniartitsisoq atuartut peqatigalugit)

- Angallanermik pilerisaarutitut quppersagalianik qimerluuigitsi
- Ussassaarutit sunniiniutitut sakkugisartagaannik misissuigitsi
- Paasissutissanik ujaasinermi piginnaasassanik sungiusaritsi
- Atuartut peqatigalugit piffissarititassaq naliliinermilu piumasaqaataasus-sat inerisarneqassapput
- Najukkami takornarianit ornigarumaneqarsinnaasumik toqqaagitsi, oqal-lisigalugulu suna takornariat takussallugu kajungerissaneraat

#### Atuartunut siunnersuinerup imarisinnaasai

- Illoqarfimmik toqqaagit taannalu pillugu paasissutissanik ujaasigit
- Takornarianut quppersagaliassamik pilersaarusiortullu ilusilersuigit

#### Naliliinermi piumasaqaatit tunngaviusinnaasut pillugit asserssuutit

- Piumasaqaatit tunngavigisassat suliarineqarnerini piffissaliinermilu atu-artut peqataassapput
- Pilerisaarusiaq assilissanik allaaserisanillu ikinnerpaamik tallimanik so-qtiginartunik illoqarfik pillugu paasissutissanik imaqarpoq
- Ussassaarusiarineqarsimasut sunniiniutit sunniuteqarluartut atorlugit sananeqarsimapput
- Eqqortunik ullutsinnullu naleqqussarsimasunik paasissutissiisoqarsima-voq

#### Allangorartitsineq annertusaanerlu

- Illoqarfimmut illit/ilissi nammineq toqqarsimasassinnut angalanissarsi pilersaarusiortut. Pilersaarusiortut imarissavai angalanermi aningaasar-tuutissat angallassissutitigullu periarfissat il.il.
- Illit/ilissi illoqarfissi pillugu atorussianik ujartuigitsi angallanerlu pillugu saqqummersitsiviusumik niuffaffilliorlusi
- Avataarsuani ulloriarsuit akornanni angalatitsisarfiup atugassaanik pile-risaarummik quppersagaliortut, angalatitsivik taanna uagut seqineqarfita iluani ulloriarsuit assigiinngitsut akornanni angallanermik immikkut ittumik piukkunnarsarsimavoq
- Atuakkiat arlaanni sumiiffik oqaluttuarineqartoq pilerisaarutigalugu qup-persagaliarisiuk
- Ilisimatuunit paasisaq/nassaaq nutaaq ussassaarusiarisiuk
- Piffissaq alla pillugu ussassaarusioritsi, piffissami tikitami inuunerup an-nikitsortai ilanngullugit imarissavai
- Matematikkip imarisaasa ilaat pillugit ussassaarusioritsi (ass. avitat, ge-ometrii)
- Timersorneq pillugu ussassaarusioritsi



Ilitsoqqussaralugit oqaatsinik ilinniartitsisup (tuluttut) ilusilersuiner-millu ilinniartitsisup sam-misitami matumani suli-ap assilissatigut takus-sutissartai allattariarsor-nikkullu suliassartai er-sarissarumallugit suleqa-tigiipput.

Atuartut ...

Periutsit suut periusera-lugit pilersaarusiortut piffissarsilu qanoq aaqqissuuppisiuk? Paasissutissat sorliit misissuinissinni atorsin-naasassit nalilerpisigit? Atuagassiat pilerisaaru-siat aallaavigalugit, illo-qarfiit sorliit tikeraaru-sulerpisigit? Sooq?

## Assersuut



Canadami atuaqatigiit matumanga sammisaqarsimasut, atuaqatigiit angajoqqaavinik ataatsimiisitsinermi maskiinaliatik takutissimavaat.

Atuartunut ...  
Maskiinaliassi sananerani suna nalunarnerpaatippisiuk?  
Isumarsi malillugu, kia maskiinaliarsi atorsinnaassavaa?  
Maskiina una qanoq ililluni inuunermik allanngortitsilluniluunniit pitsaanngorsaataasinnaava?

## Assersuut

### Maskiinaliorit

#### Sammisassaq

Maskiinaliorit ataatsimik arlalinnilluunniit aalasinnaasunik/ingerlasinnaasunik immikkoortortalimmik. Maskiinaq pisariaqartitaq imaluunniit ajornartorsiut sunaluunniit naammassillugu suliarisinnaassavaa

#### Piareersaasionermermut siunnersuutit (ilinniartitsisoq atuartut peqatigalugit)

- Maskiinat paasiuminarnersiukkat qimerluualaartillugillu nassuiarneqassapput
- Ajornartorsiutinik maskiinaamik nassaarnikkut anigorneqarsinnaasunik ujartuigitsi

#### Atuartunut siunnersuinerup imarisinnaasai

- Maskiinaq sumut atugassiaanera, atortussat atugassarisasi, maskiinallu sananeqarnermigut ilusaa eqqarsaatigalugit pilersaarusiortisi

#### Naliliinermi piumasaqaatit tunngaviusinnaasut pillugit assersuutit

- Pisariaqartitat ajornartorsiulluunniit allaaserineqareerput
- Maskiinaq pisariaqartitaq naammassisinnaavaa imaluunniit ajornartorsiut iluarsisinnaavaa
- Maskiinaq ilaa ikinnerpaamik ataaseq aalasinnaassaaq imal. kaavissinnaasortaqaassaaq
- Pisariaqaleraangat atuartut ikioqqusinnaassapput

#### Allanngorartitsineq annertusaanerlu

- Ukiut 100-t matuma siornagut maskiina atorneqartarsimasinnaasooq sanasiuk, imaluunniit maannakumiit ukiut 100-t qaangiuppata maskiina atugaalertussaqaq sanasiuk
- Illup iluani suliaasanik oqinnerulersitsisumik maskiinaamik nassaarniaritsi
- Maskiinaliarsi atuaqatissinnut takutissiuk

## Assersuut

### Uumasup uumaffia

#### Sammissassaq

Uumasumik nammineq toqqaagitsi, uumasullu taassuma uumaffigalugu najortagaa assillillugu sanallusi. Sanaarsi atuqaatissinnut takutissiuk uumaffigineqartumilu tassani sumiiffiup assigiinngitsutigut oqaluttuasartai pillugit oqaluttuullugit aamma uumasup uumanarluni piginnaassat suut (atortarnerai) piginnaasariaqarnerai oqaluttuaralugit

#### Piareersaasioneremut siunnersuutit (ilinniartitsisoq atuartut peqatigalugit)

- Uumasup najugannaavini uumaniernermini pisariaqartitai pingaarnerrit misissuataarsigit (ass. imeq, nerisassat, inissaq, isumannaatsuumineq)
- Paasissutissat sammissassinnut tunngasut pissarsiarerusutasi pillugit, qarasaroritisi immersoqatigiillusi isummersoqatigiigitsi isumassarsiasii oqaatigipallattarlugit allapallattarlugillu
- Assersuusiorlutit saqqummiigit atuartullu saqqummiinissaannik sunngiusartillugit

#### Atuartunut siunnersuinerup imarisinnaasai

- Paasissutissat suut ujartorneqassanersut pillugit piumasaqaataasusani aalajangersaaneq aamma saqqummiineq
- Atortussianik atortussanillu allanik pisariaqartitanik katersuineq/piareersaaneq

#### Naliliinermi piumasaqaatit tunngaviusinnaasut pillugit assersuutit

- Uumasup uumaffigalugu avatangiiserisaa uumasumut toqqakkamut naleqquttuusaaq
- Assersuutit sanaaq uumasup uumanissamini pisariaqartitaanik imaqaassaaq
- Saqqummiussassaq piareersarlugu aqqissuutereersimallunilu piareersimassaaq
- Piffissarititaasoq isumatumik pitsaasumillu atorluarneqassaaq

#### Allanngorartitsineq annertusaanerlu

- Uumasup avatangiiserarlugu uumaffigisaata ilaa, piviusorsioortumik allanngortinneqarsinnaasoq toqqarsiuk. Allanngortitigassaq titartarsiuk, assersuutitullu sanaassinni qanoq isikkoqarsinnaanera nassuiaatigalugu, aamma allanngortitsinerup kingunerisaanik uumasooq qanoq naleqqussarsinnaanersoq imaluunniit sooq naleqqussarsinnaannginersoq nassuarsiuk.
- Pinngortitami avatangiisinik allannguinerup sunniutaanik uumasumut kinguneqarnerluutaasumut assersuutissaasumik ujartuigitsi, tamanalu pillugu allaaserisaqarlusi imaluunniit saqqummersitsigitsi. Allannguinermut qanoq naleqqussarniarsimappat imaluunniit naleqqussanngitsoorsimappat – aamma sooruna?



Canadami ilinniartitsisoq, sammissassamik matumangga suliaqarsimasooq, pinngortitalerituumik (biologimik) assersuusiaminnik nalieeqqusilluni aggersaasimavoq atuartullu peqatigalugit oqaaseqaatigisai pillugit oqallitsillugit.

#### Atuartunut ...

Uumasup uumaffigalugu avatangiisaa assillillugu sanaassinni soqassanersoq, qanoq iliorlusi isumaqatigiissutigalugu aalajangerpisiuk? Assersuutit sanaarsi sanagassiuk suna ajornakusoornerpaava? Qanoq iliorlusi ajornartorsiut aqqippisiuk? Uumasup uumaffigalugu avatangiisaa assillillugu sanaassinni, uumasumut suna ajornartorsiutaanerpaava? Ilissi uumasup uumaffigisaanik paasinninersi malillugu, qanoq iliorlusi uumasooq ikiorniarpisiuk?

## Assersuut



Ilitsoqqussaralugit oqaatsinik ilinniartitsisoq (tuluttut) aamma ilusilersuineramik ilinniartitsisoq suleqatigiillutik atuaqatigiit pillugit atuakkiortisipput, taanna imaqarpoq atuartut imminnut assilialiaannik imminnulu allaaserisaannik.

Atuartunut ...

Illit imminut assilialianni suut pitsanngorsaaitut iluarsisariaqarsorivigit? Maannakkut iliuuseringitsuuqqatit tulliani qanoq iliuuserissagaluarpigigit?

Qanoq iliorlutit qalipaait qaamanermut tarrarmullu takutitsisumik tulluurtunngortippigit?

Qanoq ililluni qaamaneq suminngaanneernersoq takuneqarsinnaava?

Illit inuttut kinaassutsivit ilaa sorleq, imminut assilialianni

takuneqarsinnaanersoq oqaluttuariuk?

Kammalaativit imminut assililluni assilialiaa qulaani apeqqtut malilugit, kammalaativit oqaluttuariuk.

## Assersuut

### Imminut assilineq/ilisaritinneq

#### Sammisassaq

Aqerluusamik qalipaatinillu iangasunik (pastelfarver) imminut assilillutit titartarit

#### Piareersaasionermut siunnersuutit (ilinniartitsisoq atuartut peqatigalugit)

- Nammineq takusassiigit atuartitatillu kiinnap sannamigut isikkuanik titartaanermik sungiusarlugit (kiinnap sannamigut immikkuaaluttortaasa atsikkutigis-saakkatut qanoq imminnut naleqqussusaat)
- Eqqumiitsuliortut inuup kiinaanik qalipagaannik takussutissiigit oqallisigalugillu

#### Atuartunut siunnersuinerup imarisinnaasai

- Atortussanik aaliangiineq: aqerluusamik titartaaneq, qalipaait iangasut
- Tarrarsuut saallugu saanniik imminut assilillutit angeqatinnik titartarit

#### Naliliinermi piumasaqaatit tunngaviusinnaasut pillugit assersuutit

- Atuartut atortunik atortorissaarutinillu peqqissaarlutik atuisarlutillu toqqorsisarput
- Uuttuutit atsikkutigiissutsillu eqqortut atorlugit atuartut imminnut titartarput
- Qalipakkap takutippaa pitsaasumik qalipaatinik atuisimaneq, aamma qalipaait imminnut qanoq qallerannerat
- Qalipakkap takutippaa qaamanermik tarrarmillu eqqortumik atuisimaneq

#### Allanngorartitsinerit annertusaanerlu

- Ilinnik inuttut ilisarititsisumik, qiortarlugit katitikkannik assilialiorit (collage)
- Illit assitit atorlugit imminut oqaluttuarigit
- Illit imminut quiasaarusiatalutit titartarit
- Qarasaasiaq atorlugu imminut ilisaritillutit assilialiargit
- Illit pillutit oqaluttuurtumik kiinarpaliorit
- Illit assilillutit assilialiavit saniani nivingasussamik, imminut oqaluttuaralutit allaaserigit
- Illit pillutit oqaluttuurtumik, T-shirt-imik, tujuuluaraliorit

## Assersuut

### Timersorluni sungiusarneq

#### Sammissasaq

Timersorlutit qasujaassutsit misiliguk, qasujaassutsillu pitsanngorniassammat, qasujaallisarlutit sungiusar-nissannut pilersaaruseriorlutit

#### Piareersaasionermet siunnersuutit (ilinniartitsisoq atuartut peqatigalugit)

- Timip immikkoortui assigiinngitsut misissuataartikkitt nassuiaaffigalugillu (ass. aap kaaviiarnera, saanitta pingaarutaat, nukit pingaarutaat)

#### Atuartunut siunnersuinerup imarisinnaasai

- Timersorlutit qasujaassutsinnik misiliigavit, pitsanngorsarusutatit pingasut toqqakkit
- Timip pisatai periutsillu sorliit sungiusarnerni tamani atoneqarnerpaasartut tikkuakkit
- Sungiusagassatut toqqakkatit pingasut, sungiusagassattut pilersaarusiannut ilanngutikkitt
- Ulluni tulliuuttuni 30-ni pilersaarusiata malillugu sungiusartarit
- Aallaqqaammut misiliigavit illit toqqakkatit pingasut misileqqikkitt
- Angusarisatit imminnut sanilliutikkitt sungiusarninnilu pilersaarusiata nalilerlugu inerniliillutit

#### Naliliinermi piumasaqaatit tunngaviusinnaasut pillugit assersuutit

- Sungiusarnermi malitassatut pilersaarusiaq piffissalorsorsimassaaq kiisalu sungiusartarnissap sakkortussusissaa akulikissusissaalu aalajangerneqarsimassallutik
- Angusarineqartut inerneru imminnut sanilliunneqasapput nalilernerilu inerniliiffiqineqartassallutik

#### Allanngorartitsineq annertusaanerlu

- Nukit immikkoortukkaat, illit pilersaarummik malittarsaqarlutit sungiusakkatit titartakkit
- Qasujaallisarluni sungiusarnerup ilaanik takutitsiumik plakatimik assilialiorit
- Illit sungiusagassattut pilersaarusiata, atuartumut immikkut ittumik pisariaqartitsisumut naleqqussarlugu pilersaarusiariuk



Canadami timersornermik ilinniartitsisup sammissasaq una „sapaatip akunnerani qasujaallisarneq“ immikkut ittumik sammisaqartitsinermi atorsimavaa, atuaqatigiillu angusatik paasissutsillu pissarsiarisatik klassinut allanut saqqummiussimallugit.

#### Atuartunut ...

Pitsanngorsarniarlugit toqqakkatit pingasut eqqarsaatigalugit, sungiusagassatut pilersaarusiavit qanoq iluaquserorpaatit?  
Sungiusagassattut pilersaarusionerperit illit timikkut qasujaassutsit qanoq iluaquserpaa?  
Imminut misiliinerup ilaa sutigut allatigut siuari-nermik takussutissiiva?  
Sungiusakkavit ilaat sorliit tulliani pitsanngorsarniassavigit?



Inaarutaasumik misilitsitussanik atuartitsisartut (biologi aamma kemi) isumaqarput, pinnguaasiortitsinermik isumasarsiaq atuartut paasinittarannut pitsaasumik iluaquisiisartoq.

Atuartunut ...

Ilissi pinnguaasiassi ilaa allat pinnguaasiaanniit sutigut allaanerussuteqarpa?

Pinnguaasiorsuluni sulinissi taassuminngalu pinnguarmissi geometriimik paasinnersi qanoq iluaquserpaa?

Eqimattassinni peqataasut tamarmik assigiimmik suleqataanissaat, qanoq iliorlusi qulakkeerniarsaraasiuk?

## Assersuut

### Pinnguaat

#### Sammissassaq

- Geometrii pillugu apeqqutinik akissartallinnik pinnguaatiliorsit

#### Piareersaasionermut siunnersuutit (ilinniartitsisoq atuartut peqatigalugit)

- Atuartut suleqatigalugit sulinerup ingerlanneqarnera inernerilu pillugit nalilersuinissami tunngavigisassatut piumasaqaataasussat oqaasertaliorlugit allassigut
- Atortussasi pisariaqartut katersorsigit
- Pinnguaatiliaareersut qanoq sananeqarsimanersut misissorsigit

#### Atuartunut siunnersuinerup imarisinnaasai

- Apeqqusiat pillugit paasissutissanik aallerfiusoq tassaavoq matematikkipp aqqissugaanerata iluani geometri pillugu immikkoortortaliaq
- Atuaqatigiinnit eqimattakkaanit assigiinngitsunit pingasunit pinnguaatiliaq misilerarneqassaaq
- Eqimattakkaat tamarmik immikkut pinnguaatiliaq pillugu isornartorsiuutigisinnaasatik allattorlugit suliarisavaat

#### Naliliinermi piumasaqaatit tunngaviusinnaasut pillugit assersuutit

- Pinnguaasiaq isikkuminartuussaaq
- Ilitsersuutitassaat erseqqissunik oqaasertalersugaassapput, malittariuminartuussallutik inatsisigineqartullu pillugit oqaluttuartsuussallutik
- Eqimattakkuutaani sulineq atuartunit tamanit peqataaffigineqassaaq

#### Allanngorartitsinerit annertusaanerlu

- Pinnguaammik allatut imalimmik pinnguaasiorsit: ass.: angalaneq, oqaatsinik ataasiakkaanik oqaatsinnersunik, atuakkap oqaluttualiap imarisaa, il.il.
- Eqaarsaarnermi atortut pingasut atortoralugit, silami pinnguaataasinnaasumik pinnguaasiorsit

## Assersuut

### Isiginnaartitsissusiorneq

#### Sammissassaq

- Inuk oqaluttuarisaanerup iluani pingaarutilik toqqarsiuk, inuullu taassuma sooq eqqaamaneqalersimanera isiginnaartitsissusiareriarlugu takutillugu

#### Piareersaasioneremut siunnersuutit (ilinniartitsisoq atu- artut peqatigalugit)

- Inuk oqaluttuarisaanerup iluani pingaarutilik pillugu, qanoq paasissutissanik ujartuisoqarsinnaanersoq takutiguk paasissutissallu nanillugit (pissarsiaralugit)
- Atuartitannut malugeqqujuk, inuit sumi inuunerat apeqqu-  
taalluni, inuunerminni ulluinnarsiutaat kulturiilu assigiinngis-  
suteqartarsimmammata
- Kikkut tamarmik tusaasaannik, qanoq oqaluttoqarsinnaan-  
ersoq, qanorlu apeqqarissaartoqarsinnaanersoq isigin-  
naartitsisoqarsinnaanersorlu, atuartitannut nassuiakkit su-  
ngiusartillugillu

#### Atuartunut siunnersuinerup imarisinnaasai

- Inuup toqqarneqartup ulluinnarni inuunermini atugarisaanik, kulturianik paasissutissanillu pingaarnersiukkanik qulaajaa-  
sunik, apeqqutinik arlalinnik apeqqusiorit
- Paasissutissat, illit apeqqutigisavit akissutissartai ujartukkit  
(nanikkitt)

#### Nalilersuinermi piumasaqaatit tungaviusinnaasut pillugit assersuutit

- Atuartut sungiusarnermut peqataasassapput, sungiusarne-  
rillu piginnaasassat piumasarineqartut ilikkarneqarnissaan-  
nut atorneqartassapput
- Inuup oqaluttuarisaanerup iluani pingaaruteqartut toqqar-  
neqartup pingaarutai pingaarnerit takutinneqassapput
- Pingaarnertut inuttaq atuartunut allanut – assilissatigut  
oqaatsitigullu - uumassuseqarpalaartunngortinneqassaaq

#### Allanngorartitsinerit annertusaanerlu

- Sammisinneqartoq takornartat oqaasii atorlugit atuartunut  
isiginnaartitsissutigittinneqassaaq
- Politikkerimik, ilisimatuumik, eqqumiitsuliortumik, nipilersor-  
tartumik imaluunniit isumalioqqissaartartumik (filosof) oqa-  
loqatiginninneq pissanganarsarlugu isiginnaagassiarisiuk
- Atuakkiami inuttaasoq pissanganarsarlugu isiginnaagas-  
siarisiuk, tassani oqaluttualiap killiffiani aalajangersimasumi  
inuttaasup misigissusai iliuusaalu ersersinneqasallutik



Suliniut uunga assingu-  
soq pillugu canadami  
inuiatigiillernermik ilin-  
niartitsisoq isiginnaartit-  
sinermillu ilinniartitsisoq  
suleqatigiissimapput,  
sammissartillu oqaluttua-  
risaanermik imalik isigin-  
naartitsissummik imalim-  
mut kattutaarlugu inger-  
lassimallugu makkunan-  
nga: atisat isiginnaartit-  
sissutit, pissutsimik taku-  
titsinermik nipimillu atue-  
riatsinik.

#### Atuartunut ...

Oqaluttuarisaanikkut  
inuk pingaarutilik taanna  
sooq toqqarsimanerlugu  
nassuiaruk.

Saqqummiussavit pit-  
saanerpaartaa pillugu  
illit isummat nassuiaruk.  
Illit saqqummiussanni  
suna nalunarnerpaatip-  
piuk?

Oqaluttuarisaanikkut  
inuk pingaarutilik sammi-  
sat pillugu, ullumikkut  
inuit qanoq  
isummissangatippigit?

## Assersuut



Canadami akullerni ilinniartitsisoq nunarsuarmi piitsuussuseq pillugu sammisaqartitsinermini sammisassiaq una ator-simavaa.

Atuartunut ...  
Missingersuusiasii ilaa procentinngorlugu qanoq annertutigisoq nerisassanut atorpisiuk?  
Ilaqtariit tamarmik pisariaqartitaat missingersuusiasinni tamakkerlugit ilannguppisigit? Kina „salloqittartippa“?  
Ilaqtariinnut sammisassinnut 500 kr. -nit naammappat? Suna amigaataava?  
Amerlanerusunik aningaasaateqartuugusi, missingersuusiasii sutigit pitsaanerulis-sagaluarpa?  
Ilaqtariinni inersimasoq ataasiinnaappat aningaasallu 100 kr. -nik ikinnerullutik, taava missingersuusiasinni suut ikilisaaffigissagaluarpisigit?

## Assersuut

### Missingersuut

#### Sammissassaq

500 kruuniuteqarpusi. Ilaqtariit sisamanik inuttallit sapaatip akunnerani ataatsimi ulluinnarni pisariaqartitaannut naammattunik pisiniarnissamut missingersuusioritsi

#### Piareersaasionermut siunnersuutit (ilinniartitsisoq atuartut peqatigalugit)

- Nioqutissiat akillu oqallisigisigit. Pisinniarfik ulluinnarni atugassanik nioqqutilik pulaarsiuk ussassarutillu misissuataarlugit
- Ulluinnarni inuussutissat tamalaat pisariaqartut allalu ilaqtariit atorfissaqartitaat (ass. nerisassat peqqinnartut, eqqiluisaarnermi atorussat, uffaatiit il.il.) suut pisariaqartuunersut allattorlugillu oqallisigisigit
- Atuartut takussutissikkut, qanoq missingersuusior-tartarnersoq

#### Atuartunut siunnersuinerup imarisinnaasai

- Ilaqtariit sisamanik inuttallit kikkussanersut aalajangersiuk (ass. inuusuttuaraq, meeraaraq il.il.)
- Sapaatip akunnerani ataatsimi ilaqtariit suut pisariaqartinneeraat allattorsigit (ilissi nammineq ilaqtatasi assersuutitut iluaqatigalugit ikiortigalugillu)
- Missingersuusioritsi pisariaqartitallu taakku 500 kr. atorlugit tamakkersinnaanerlugit misilillugu

#### Naliliinermi piumasaqaatit tunngaviusinnaasut pillugit assersuutit

- Nioqutissiat, amerlassutsit, ilaqtariit pisariaqartitaat, akillu pillugit naleqquttunik eqqortunillu paasisutissiigit
- Missingersuusiasii ilaqtariit sisamanik inuttallit sutigit tamatigut pisariaqartitaannut naammattuussaaq (peqqinnissakkut, allanngorartitsinikkut, siu-nerlamut naleqquttunik il.il.)

#### Allanngorartitsinerit annertusaanerlu

- Atuaqatigiit angalanissaat missingersuusiorsiuk
- Sapaatip akunneranut ataatsimut naammattumik angallammi inuttat nerisassaat missingersuusiorsiuk

## Assersuut

### Paasissutissanik ujarlerneq

#### Sammissassaq

Atuartut eqimattani sisamakkaarlutik sulissapput siusinnerusukkullu kulturisuusasoq pillugu paasissutissanik ujaruissallutik suliarillu atuaqatigiinnut saqqummiutissallugu

#### Piareersaasionermut siunnersuutit (ilinniartitsisoq atuartut peqatigalugit)

- Kulturip immikkuualuttortai assigiinngitsut oqaluttuaralugillu nasuiaateqarfikkit (illoqarfiup ineriartorsimanera, aqutseriaatsit, oqaatsit, upperisaq, eqqumiitsuliorneq il.il.)
- Paasissutissanik qanoq ujaruisoqarsinnaanera takutiguk atuartunullu misilitsillugu

#### Atuartunut siunnersuinerup imarisinnaasai

- Paasissutissiissutit najoqqutarineqartut ikinnerpaamik assigiinngitsut pingasut atussavasi
- Eqimattat tamarmik immikkuut paasissutissat pissarsiarisatik aallaavigalugit sammisartik nalunaarusiaralugu allaaseralugulu oqaluttariarsornikkut saqqummiussassanngorlugu suliarissavaat
- Paasissutissat najoqqutarineqartut nalunaarsorneqarnerat ilanngunneqassaaq

#### Naliliinermi piumasaqaatit tunngaviusinnaasut pillugit assersuutit

Nalunaarusiaralugu allaaserisaq:

- Allaaserisaq nammineq ilusilersorlugu allaaserineqassaaq (atuakkamiit assiliinani)
- Paasissutissanik aallerfittut atorneqartoq paasissutissat najoqqutarineqartut allattorsimaffianni allassimassaaq (paasissutissat atorneqartut ikinnerpaamik assigiinngitsut pingasut najoqqutarineqassapput)

Oqaluttariarsornikkut saqqumiineq:

- Takusassiat: assilissat, nunap assinga, seqersitat il.il.
- Saqqummiussinissaq sioqqullugu 'oqaasissat' sungiusarneqareersimassapput: nipi qassarissoq, nalornerpalunngitsoq
- Atuartut saqqummiussassap pilersaarusiornissaa ingerlanneqarinnissalu suleqatigiissutigissavaat

#### Allanngorartitsinerit annertusaanerlu

- Itsaq oqaluttuatoqqanik/unikkaartuanik, oqaluttuanik oqaluttuanillu tupinnartunik atuarnaq
- Atuakkami oqaluttualiami qulequtaq sammineqartoq, atuartut sammisaannut attuumassuteqartoq pillugu paasissutissanik katersuigit, qulequtarlu pillugu oqaluttariarsorluni saqqummiussinissaa naalisakkamillu allaaserinissaa piareersaasiorlugu




Canadami inuiaqatigiilerinermik ilinniartitsisup sammissassiaq una „kulturi pillugu saqqummersitsinersuanngorlugu” annertusarsimavaa, tasani atuartut kulturit assigiinngitsut pillugit oqaluttuarnik saqqummersitsiviliortillugit.

Atuartunut ...

Eqimattaq suleqataaffigissat ikiorniarlugu illit iliuuserisimasatit pingasut taakkit.

Kulturimi ilissi sammissassinni inuit inuunerat, ilissi inuunissinnut sutigut assigiissuteqarpa? Siusinnerusukkut kulturininniinganiit ullumikkut kulturerput sutigut ilikkaqarsinnaava?


# Isumaliutigisassat



Atuartut angusaannik nalilersuisarneq tassaavoq periuseq nalilersuinerup atuartitsinermut ilanngunneratigut atuartut ilikkariartortarnannik siuarsaat pingaaruteqarluartoq. Ilinniartitsisut atuartut angusaannik nalilersuisarneq atuartitsinerminnut ilanngullugu suleriaaserileralarunikku takusinnaalissagaluarpaat, atuartut piumasaqaatissaminnik aalajangersaanerit, anguniagassanik eqqarsaatersorsinnaanerit aalajangersaanerillu annertusiartuinnartumik pikkoriffigileraltuinnassagaat.

Atuartut angusaannik nalilersuinerup aaqjissugaasumik atulerneratigut ilinniartitsisoq atuartunik ataasiakkaanik malussarniarnissamut, oqalliseqateqarnissamut oqaloqatigiinnermillu ingerlatsinissamut piffissaqarnerulerlunilu periarfissarissaarnerulissaaq. Tamanna atuartitsinissat aggersut pilersaarusiornissaanut iluaqutaallunilu ilinniartitsisup atuartut ataasiakkaat ilikkariartornikkut killiffiinik ersarinerusumik annertunerusumillu takunninnissaanut periarfississavaa.

# Oqaatsit ator neqartut allassimaffiat



## **Nalilersuineq**

Atuartut ilikkariartorneri, ilisimasaat, sunik piginnaasaqarneri, sunillu iliuuseqarniartarneri pillugit ilisimasani katersuinikkut aqqissugaasumik suleriaaseq.

## **Naliliineq**

Atuartut ilikkagaat pillugit nalilersukkanit katersukkat nassuiaatitut atorlugit aalajangigassani aalangiillunilu naliliineq. Ilinniartitsisoq atuartorlu tamarmik immikkoorlutik imaluunniit akunnerminni suleqatigiillutik naliliinertik ingerlassinnaavaat.

## **Angusaniq nalilersuineq**

Tassaavoq atuartut piginnaasaminnik takutitsinerat tunngavigalugu nalilersuineq. Aammattaaq suliasiissutit ataasiakkaat angusaqarfigineqarnerinik nalilersuineri nassuiaatitut oqariartaaseq taanna ator neqartarpoq. Nalinginnaanerusumik sulinerup ingerlanerani inernerinillu nalilersuineri nassuiaanermi ator neqarsinnaavoq.

## **Portfolio**

Siunertamut naapertuuttumik piffissallu aalajangersimasup iluani atuartup suliniarsimanerani, siuaritaaniq suliallu inernerinik ersersitsisunik, atuartut suliarisimasaannik katersat.

## **Portfoliomik nalilersuineq**

Perusaavoq atuartut ilisimasaannik ilikkarsimasaannillu naliliinissaq siunertaralugu atuartut suliarisimasaannik ataatsimut katersuineq.

## **Nalunaarusiaq Karakteriliinerlu**

Ileqqussaniq malittarisassanillu aalajangersakkanik tunngavilinnik aalangiiviusumik nalilikkanik naliliinernillu saqqummiussinerit. Tamanna nalunaarusiornikkut siumut piareersariikkamik pisinnaavoq imaluunniit iluarinerusamik periuseqarnikkut pisinnaavoq.

## **Atuartup inuttut imminut nalilersornera/naliliiffiginera**

Atuartup piffissami ingerlaavartumi nammineq imminut atuartut angusaminik, suliaminik inernerinillu, sulianut isummersornerminik ilikkariartornerminillu eqqarsaatiginninnermigut imminut ilisarileriarternissaa.

## **Atuartoq qitiutillugu ataatsimiinneq**

Atuartup atuarnera/ilikkariartornera pillugu ilinniartitsisoq/sut, angajoqqaat atuartullu ataatsimeeqatiginnerat.

Takukkit aamma: Angusakka

